



2 მარტი, 2016 წ.

თბილისი, საქართველო

**მის აღმატებულება ფედერაიკა მოგერინის**

ევროკავშირის უმაღლესი წარმომადგენელი საგარეო პოლიტიკისა და უსაფრთხოების საკითხებში/ევროკომისიის ვიცე-პრეზიდენტი

თქვენო აღმატებულება,

ნება მოგვეცით, მოგმართოთ ევროკავშირსა და საქართველოს შორის დაგეგმილი მოლაპარაკების თაობაზე, რომლის მიზანია ასოცირების დღის წესრიგის შემუშავება.

ჩვენ წარმოვადგენთ არასამთავრობო ორგანიზაციათა არაფორმალურ კოალიციას, რომელსაც მხარს უჭერს ფონდი „ღია საზოგადოება - საქართველო“. აღნიშნული კოალიცია ჩამოყალიბდა 2014 წელს და მისი მიზანია საქართველოს ხელისუფლების ანგარიშვალდებულების გაზრდა საქართველოსა და ევროკავშირს შორის გაფორმებული ასოცირების ხელშეკრულების შესრულების მონიტორინგის მეშვეობით. გასული წლის განმავლობაში კოალიციამ მოამზადა ხელშეკრულების შესრულების მონიტორინგის ანგარიშები და ანალიტიკური დოკუმენტები. კოალიცია მჭიდროდ თანამშრომლობს საქართველოს ხელისუფლებასა და ევროკავშირის ინსტიტუტებთან და მხარს უჭერს ქვეყნის ევროკავშირში ინტეგრაციის პროცესს.

ჩვენ ვაფასებთ ევროკავშირის მიერ გამოხატულ მხარდაჭერას ჩვენი ქვეყნის ევროკავშირში ინტეგრაციისკენ მიმავალ გზაზე. გვინდა აღვნიშნოთ, რომ გასული წლების მანძილზე

საქართველომ მნიშვნელოვან პროგრესს მიაღწია ასოცირების ხელშეკრულებით გათვალისწინებულ სფეროებში და ევროპული არჩევანის ერთგული რჩება.

ევროკავშირი მუდამ ხაზს უსვამს საქართველოს სამოქალაქო საზოგადოების როლს ქვეყნის ევროპული დღის წესრიგის მხარდაჭერის, რეფორმების განხორციელებისა და ხელისუფლების ანგარიშვალდებულების გაზრდის პროცესში.

ასოცირების ხელშეკრულებისა და არსებული ასოცირების დღის წესრიგის მონიტორინგის პროცესში გამოიკვეთა, რომ დოკუმენტში ჩადებულია ზოგადი მიზნები და ვალდებულებები, რაც ართულებს შეფასების პროცესს. ვიზის ლიბერალიზაციის მნიშვნელოვანი პროცესი, რომელიც ევროკავშირის მხრიდან საქართველოს ხელისუფლების მიერ განხორციელებული რეფორმების დეტალურ მონიტორინგს ითვალისწინებს, დასასრულს უახლოვდება. ამის გათვალისწინებით, საჭიროა ახალი მექანიზმის შექმნა, რომელიც ზუსტად და დეტალურად განსაზღვრავს ევროინტეგრაციის პროცესში სამომავლოდ გასატარებელ რეფორმებს. მიგვაჩნია, რომ ასოცირების დღის წესრიგის ის დოკუმენტი, რომელზეც საქართველო და ევროკავშირი მოილაპარაკებენ, უნდა იყოს დეტალურად გაწერილი.

იმის გათვალისწინებით, რომ საქართველო და ევროკავშირი აღრმავებენ ურთიერთობებს და უახლოეს პერიოდში დაგეგმილია ასოცირების დღის წესრიგზე მოლაპარაკებების გამართვა, ჩვენ, სამოქალაქო საზოგადოების წარმომადგენლები მოვუწოდებთ ევროპის საგარეო ურთიერთობათა სამსახურს, ევროკავშირის დელეგაციას საქართველოში და საქართველოს მთავრობას:

- მოლაპარაკებები გაიმართოს დეტალური ასოცირების დღის წესრიგის შესამუშავებლად, სადაც ნათლად იქნება გაწერილი ნიშნულები და წარმატების გაზომვადი ინდიკატორები;
- მოლაპარაკების წინა და მიმდინარეობის პროცესში გაიმართოს შედეგზე ორიენტირებული კონსულტაციები სამოქალაქო საზოგადოების წარმომადგენლებთან, პოლიტიკურ აქტორებთან და სხვა დაინტერესებულ მხარეებთან.

დეტალურად გაწერილი ასოცირების დღის წესრიგის მიღება, რომელშიც გათვალისწინებული იქნება ზუსტი მიზნები, სამოქალაქო საზოგადოების წარმომადგენლებს საშუალებას მისცემს უფრო სიღრმისეული ანალიზი და შეფასება გააკეთონ საქართველოს მიერ ევროინტეგრაციის პროცესში განხორციელებულ თუ დაგეგმილ რეფორმებთან დაკავშირებით და ეს შეფასებები ევროკავშირსა და საქართველოს ხელისუფლებას გაუზიარონ.

ამასთანავე, ასოცირების დღის წესრიგის შემუშავებაში სხვადასხვა აქტორების მონაწილეობა ხელს შეუწყობს ევროინტეგრაციის პროცესში სამოქალაქო საზოგადოებისა და საქართველოს

მოქალაქეთა უფრო მეტ ჩართულობას და პროცესის მიმართ საკუთრების შეგრძნების ჩამოყალიბებას.

ჩვენ მზად ვართ, მონაწილეობა მივიღოთ აღნიშნულ კონსულტაციებში და მოლაპარაკების მხარეებს ჩვენი ცოდნა და გამოცდილება გავუზიაროთ.

პატივისცემით,

ქეთი ხუციშვილი, ფონდი „ღია საზოგადოება საქართველოს“ აღმასრულებელი დირექტორი

ანა ნაცვლიშვილი, „ახალგაზრდა იურისტთა ასოციაციის“ თავმჯდომარე

ეკა გიგაური, „საერთაშორისო გამჭვირვალობა საქართველოს“ აღმასრულებელი დირექტორი

ცირა ჭანტურია, „ციხის საერთაშორისო რეფორმა“ სამხრეთ კავკასიის რეგიონული დირექტორი

ნინო ელბაქიძე, „კონსტიტუციის 42-ე მუხლის“ აღმასრულებელი დირექტორი

ბაბუცა პატარაია, კავშირი „საფარის“ აღმასრულებელი დირექტორი

ანა აბაშიძე, „პარტნიორობა ადამიანის უფლებებისთვის“ თავმჯდომარე

კორნელი კაკაჩია, საქართველოს პოლიტიკის ინსტიტუტის დირექტორი

## ასლი:

ევროკომისარს ევროპის სამეზობლო პოლიტიკისა და გაფართოების მოლაპარაკების საკითხებში ბატონ იოჰანეს ჰანს

ევროპის სამეზობლო პოლიტიკისა და გაფართოების მოლაპარაკების საკითხებში ევროკომისრის მრჩეველს ქალბატონ იანა იანსს.

ევროპის საგარეო ურთიერთობათა სამსახურის გენერალურ მდივანს ბატონ ალან რე როის

ევროპის საგარეო ურთიერთობათა სამსახურის გენერალურ მდივნის მოადგილეს ქალბატონ ჰელგა შმიდტს

ევროპის საგარეო ურთიერთობათა სამსახურის გენერალურ მდივნის მოადგილეს ბატონ მაჩიე პოპოვსკის

ევროკავშირის საგარეო პოლიტიკისა და უსაფრთხოების საკითხებში უმაღლესი წარმომადგენლის კაბინეტის ხელმძღვანელს ბატონ სტეფანო მანსერვისს

ევროკავშირის საგარეო პოლიტიკისა და უსაფრთხოების საკითხებში უმაღლესი წარმომადგენლის კაბინეტის ხელმძღვანელის მოადგილეს ბატონ ოლივერ რენტშელერს

საქართველოში ევროკავშირის ელჩს ბატონ იანოშ ჰერმანს

ევროპის საგარეო ურთიერთობათა სამსახურის ევროპისა და ცენტრალური აზიის რეგიონის დეპარტამენტის მმართველ დირექტორს ბატონ ტომას მაირ-ჰარტინგს

ევროპის საგარეო ურთიერთობათა სამსახურის რუსეთის, აღმოსავლეთ პარტნიორობის, ცენტრალური აზიის, რეგიონული თანამშრომლობისა და ეუთოს დეპარტამენტის დირექტორს ბატონ ფერნანდო ანდრესენ გიმარაეშს

ევროპის საგარეო ურთიერთობათა სამსახურის აღმოსავლეთ პარტნიორობის, რეგიონული თანამშრომლობისა და ეუთოს განყოფილების უფროსს ბატონ ბორის იაროშევიჩს

ევროპის საგარეო ურთიერთობათა სამსახურის აღმოსავლეთ პარტნიორობის ორმხრივი თანამშრომლობის განყოფილების უფროსს ბატონ დირკ შუბელს

ევროკავშირ-საქართველოს საპარლამენტო ასოცირების კომიტეტის თავმჯდომარეს ბატონ საჯიდ კარიმს

ევრონესტის საპარლამენტო ასამბლეის თანაპრეზიდენტს ქალბატონ ჰეიდი ჰაუტალას

ევრონესტის საპარლამენტო ასამბლეის თანაპრეზიდენტს ბატონ ვიქტორ დოლიძეს

საქართველოს პრემიერ მინისტრს ბატონ გიორგი კვირიკაშვილს

საქართველოს საგარეო საქმეთა მინისტრს ბატონ მიხეილ ჯანელიძეს

საქართველოს სახელმწიფო მინისტრს ევროპულ და ევროატლანტიკურ სტრუქტურებში ინტეგრაციის საკითხებში ბატონ დავით ბაქრაძეს

საქართველოს პარლამენტის ევროპასთან ინტეგრაციის კომიტეტის თავმჯდომარეს ბატონ ლევან ბერძენიშვილს